

## M021: Auslegung des Vaterunser

0,1 Selb diu gotes wishait .  
0,2 diu durch uns nam die meneschait .  
0,3 diu lert uns minne . unt vorthen  
0,4 mit pilide joch mit worten  
0,5 er ist herro unde got .  
0,6 vvrhten sculin wir sin gebot  
0,7 er ist uater . wir die chint .  
0,8 wie suoze dise namen sint .  
0,9 wir sculn in furhten unte minnen .  
0,10 mit . sunilichen dingen .  
0,11 mit ten zuain wir genesen .  
0,12 so wir singen unte lesen .  
0,13 Ein gebeth er uns selbe brahte  
0,14 des da uor niemen gedahte .  
0,15 iz ist pat- n-r genamet .  
0,16 iz pigrifet allez daz insamet .  
0,17 mit churzlichen worten  
0,18 des menske ie bedorfte  
0,19 ze disses libes friste .  
0,20 ioch z er ewigen geniste .  
0,21 da sint inne siben gebet .  
0,22 sibenne sint ocvch . der gebe  
0,23 des heligen gaistes .  
0,24 des unserin ewartes maisters .  
0,25 Diu vorhte des obristen gotes  
0,26 de st div gebe z allervorderest .  
0,27 diu guote mit ter verwizzenhait .  
0,28 diu chan sich wole braiten .  
0,29 mit ter sterch der rat .  
0,30 vrvor ist der siv nsamet hat .  
0,31 mit der uernunfte der wistuom .  
0,32 ane die wir rehtes nine tuon .  
0,33 mit disen den sibenen uirtutibus .  
0,34 so scul wir suolin unser hus  
0,35 diz sint dei siben chercestal  
0,36 die uns luhten den gotes sal .  
0,37 So wir lesen an der . e .  
0,38 die got sante den iuden . e .

- 0,39 die duuanch . tes wizes forthe  
 0,40 als ir ubile des pedorfte  
 0,41 also der magezoge tuot  
 0,42 des chindes getelosez muot .  
 0,43 suua sie missegiengen .  
 0,44 den scaden sie sa phiengen .  
 0,45 ir herro was so vorthlich .  
 0,46 ir vorthte was do sorlich .  
 0,47 diu gnada tempret nu daz reht .  
 0,48 ze sune ist worden der chnehet .  
 0,49 vater ist der e herro was .  
 0,50 so begagenet im miscd-a & ueritas .  
 0,51 Nu wir einen uater haben .  
 0,52 nu sculn wir denchen ane den namen  
 0,53 welle wir heizen sinu chint .  
 0,54 wir muoz bilidin sinu dinch .  
 0,55 mit sunelich minnen .  
 0,56 des uater erbe gewinnen .  
 0,57 unserren bruoder der sin chint ist .  
 0,58 minnen sam uns tete crist .  
 0,59 der durch siner bruoder not  
 0,60 lait den scantlichen tot .  
 0,61 fliesen wir die minne .  
 0,62 wi geturren wir pat- nr- singen .  
 0,62a Pat- nr- q- . es in coelis  
 0,62b Sc-ificet- nomen tuum  
 0,63 So quit diu bete alleerist .  
 0,64 "vater du der in den himelen bist .  
 0,65 geheligit werde der name din ."  
 0,66 da wir getoufet inne sin .  
 0,67 vone xpo xpiani  
 0,68 daz wir der sunte gesten sam ane  
 0,69 so wir ze m ersten . waren  
 0,70 do uns dir chint gebaren .  
 0,71 diu gnade unt er din gaist .  
 0,72 des uersehen wir uns dan . allermaist .  
 0,73 so wir resten . von der erde .  
 0,74 unte an der stunt . widerborn . werden  
 0,74a In regione .  
 0,74b Beati pacifici ..  
 0,74c S . timori\s . d .  
 0,74d d . iudicii .  
 0,74e Si offers m . t .  
 0,74f david .  
 0,75 Salich sint die fridasamen  
 0,76 die erent wol des uater namen .  
 0,77 die wellent hie suonliche leben  
 0,78 daz muoz diu gotes . vorthe geben .

- 0,79 die sorgent . zuo dem suondage .  
 0,80 si suonent sich hie unze si magen .  
 0,81 si n ophernt deme uater nieth .  
 0,82 unz sie dem bruodere sculn ieth .  
 0,83 die uorthen dauid habeten .  
 0,84 duo r sine uiant su sparate .  
 0,85 er wainote den saulis tot  
 0,86 der in so ofte brath in not .  
 0,86a Adueniat r . tuum  
 0,87 So pitte wir tagilich .  
 0,88 herro . zuo chome din riche .  
 0,89 daz denne muoz ergen  
 0,90 so wir von der erde noch ersten  
 0,91 so der tiufel vnde sin lit  
 0,92 also gar werdent vernicht .  
 0,93 so ne vehtent in den brusten  
 0,94 die tuogende mit ten achusten  
 0,95 wir werden lutter unde rain .  
 0,96 so richist er in uns aine .  
 0,97 so wird er uiante gewalt .  
 0,98 ze sinem wozscamele gezalt .  
 0,98a Beati mund corde  
 0,98b Ascensio .  
 0,98c Sp-e pietatis .  
 0,98d Pulsate & apiet- .  
 0,99 Salige die daz riche mainent .  
 0,100 unte ir herze da zuo reinent .  
 0,101 da si stigen sup monte- vf mit gote .  
 0,102 nach dem uronem gebote .  
 0,103 di scowent noch die gothait .  
 0,104 mit der gebe der gneadichait  
 0,105 si bisizent noch daz riche  
 0,106 dar si clhopphent tagiliche .  
 0,107 des digite also ofte zuoze gote .  
 0,108 Moyses der gitrui bote .  
 0,109 daz er got selben muose gesehen .  
 0,110 des mathe hie nieht geschenen .  
 0,110a Fiat uoluntas .  
 0,111 So stet an der tritten stete .  
 0,112 ein so fil nothlichiu bete .  
 0,113 "werde din wille sam in himile .  
 0,114 sam in herde ." daz wir erde  
 0,115 dir gehengen .  
 0,116 sami die himiliscen engele .  
 0,117 die nieht des ne wellen .  
 0,118 des dich herroe mug erbelgen .  
 0,119 unt er unser heriscar geist  
 0,120 so do be daz divliche flaisch

- 0,121 daz siu baidiv sament ne gerent .  
 0,122 des tv sie nieth sculist wern .  
 0,122a Vbi duo l\ tres .  
 0,122b Beati misericord- .  
 0,122c Resurrectio .  
 0,123 Salic die der barmherze sint .  
 0,124 vil wole irgen den ir dinch .  
 0,125 an in scol disiv bete irgen  
 0,126 ir sele ist hie mit got irsten .  
 0,127 von der sunde slafheite  
 0,128 mit gebe der uerwizzenhaite .  
 0,129 si erstarbent gire des fleisces .  
 0,130 si erchukkent . werch des gaistes .  
 0,131 di erringent den iacobis segen .  
 0,132 si garnent . daz sie got gesen .  
 0,133 gehelcent si des flaisces craft .  
 0,134 so werdent si sa sigehaft .  
 0,134a Sp-e scientie . si autem  
 0,134b sptu facta . c .  
 0,134c m . viuetis .  
 0,134d Si-c resurrexit .  
 0,134e Vidi d-nm f . ad faciem  
 0,134f arcuit in fem- .  
 0,134g Pane- nr-m .  
 0,135 Dar nach gern wir ane got .  
 0,136 “gib uns unser tagilich prot .  
 0,137 daz taliche gib uns hivte .”  
 0,138 vernement wole waz daz tivte  
 0,139 er ist selbe der engele prot .  
 0,140 sin ist ovch de sele so not .  
 0,141 der lib vertiwelt an ez prot .  
 0,142 same tuot div sel ane got .  
 0,143 daz wizet . daz er selbe ist .  
 0,144 de ist der sele wegewist .  
 0,145 unte div suoz gotes lere .  
 0,146 div ist dritte labe der sele .  
 0,146a Beati qri esur-  
 0,146b Sepultura .  
 0,146c S . fortitudinis  
 0,147 Dri wis mani wir daz prot .  
 0,148 salige die des hie hungerot  
 0,149 si begrabent mit gone den alten man .  
 0,150 den niwen . waten sie sich an .  
 0,151 daz prot git uns sterche .  
 0,152 z allen guoten werchen  
 0,153 wider demo gotes wort .  
 0,154 so ne craftent . nivveth diu helleborte .  
 0,155 dise gebe ysaac habete .

- 0,156 do r sich z er martyre garte .  
 0,157 er wolte selbe der ophervriscinch wesen .  
 0,158 mit dem scaphe ruoth sin got verwesen .  
 0,158a Dimitte n .  
 0,159 Vvir tuon mit gone ein gedinge .  
 0,160 daz uns so sere tuwinget .  
 0,161 wir queden . “vergip uns unser sculde .  
 0,162 daz wir chomen ze diner hulde .  
 0,163 sami wir allen den uergeben .  
 0,164 di uns der sculde vergebent ”  
 0,165 der sinem scolen nicht uergibit  
 0,166 wi unsalichlichen . er disses digit .  
 0,167 er laitet uber sich den gotes zorn .  
 0,168 er hat die tuofe gar uerlorn .  
 0,169 demo gnoz ni wil er z claine nieth uerbegen .  
 0,170 demo herren muoz er z groze wider geben .  
 0,170a Sp-e c-silii .  
 0,170b Beati qri lugent .  
 0,171 Salic ist der dir disen rat .  
 0,172 von der gotes gnada hat .  
 0,173 ze uergebenne . daz man im vergebe .  
 0,174 daz ist tiv vvnfte gotes gebe .  
 0,175 daz sin cruce treit der . nach gebote .  
 0,176 die martir lidet er mit gone .  
 0,177 er weinet iegeliches val .  
 0,178 er betet al wider demo ahtesal .  
 0,179 so bett er guote abraham .  
 0,180 umbe den chunich abimelech . der ime die chonen nam .  
 0,181 er chlagete de uerworchten burge flor .  
 0,182 er gewegit in gerne da vore .  
 0,182a Ne nos induca\s .  
 0,182b Sit nom- d . b .  
 0,182c Ds- in te-ptatione-  
 0,183 Diu bechorunge . ist so manichslaht .  
 0,184 eine guot . d ander tarahaft .  
 0,185 div guote . irlutteret . daz movot .  
 0,186 sam iz golt der eiteouen tuot .  
 0,187 si clopphet an den statigin man  
 0,188 er clinget same der ganze hauen .  
 0,189 div uone demo tivfel auer vert .  
 0,190 der sich dere mit got nieth irwert .  
 0,191 also z pli verbrinnet .  
 0,192 uon eme hamer er gar zespringet .  
 0,193 de hamer ist der uerwazen  
 0,194 deme scolt unser herre uns nivth lazen .  
 0,194a Beati mites .  
 0,194b Baptismus d-ni  
 0,195 Die senften salicliche lebent .

- 0,196 die des strites niene phlegint .  
 0,197 ir ovgen die sint einualt .  
 0,198 z er tuoben sint sie gezalt .  
 0,199 div in xptes tovf erscain .  
 0,200 dem tofē git sie noch daz hail .  
 0,201 si brahte ein olevvui ouh . e .  
 0,202 in di arche demo guoten noe .  
 0,203 si scol laiten unser uernunft .  
 0,204 in die geistlichen chunst .  
 0,205 swie uns deir viant bechore .  
 0,206 de ir uns nien verlaitte z em flore .  
 0,206a Noe .  
 0,206b S . Intellect&con .  
 0,207 An disses gebetes ende .  
 0,208 so wir denchen in diz ellente .  
 0,209 so wir ane sehen den ual .  
 0,210 uone demo riche in der zari tal .  
 0,211 wir sprechen “herre in himile .  
 0,212 irlous uns uon demo ubile .”  
 0,213 wir mainen alle die wenichait .  
 0,214 sorge . not unde aribete .  
 0,215 unt es uiantes ahtsal .  
 0,216 dei uns brahte adames val .  
 0,217 dar zuo sin wir geborn .  
 0,218 so freislich was ter gotes zorn .  
 0,218a Beati paues  
 0,218b S . sapientie .  
 0,218c Ada .  
 0,218d Nat dni .  
 0,219 Vvie salich die gotes armen sint .  
 0,220 want ir dei himilriche sint .  
 0,221 die tuot der . ware wistuom  
 0,222 vermanen der werlte richtuom .  
 0,223 des vvistuom . unser uater wielt .  
 0,224 so lang er gotes gebot biehilt .  
 0,225 do er strebete ubir sich  
 0,226 do verlos er unsich  
 0,227 verscelket het uns der alte man .  
 0,228 geurien muz uns der nivve man .  
 0,229 ni ware gone nieth cheborn .  
 0,230 wir muosen alle wesen verlorn .  
 0,231 Dirre siben bete dri . z erist .  
 0,232 die sint allerherist .  
 0,233 si gerent der durnahtichaite .  
 0,234 z er drivalten gothaite  
 0,235 der gedinge wir . z em suontage .  
 0,236 wante wir si hie haben ne magen .  
 0,237 die viere die da nach stent .

- 0,238 troustent disses libes ellente .  
0,239 den uns der scephare hat geben .  
0,240 von anegengin . vieren . so wir lesen .  
0,241 der wer uns . danna wir se naman  
0,242 der unser suoze vater amen .